

Na osnovu člana 36, stav 1. Odluke o izvršenju Budžeta Grada Cazina za 2026.godinu („Sl. Novine Grada Cazin broj 1/26 od 06.01.2026.godine) na prijedlog JU Centar za socijalni rad Cazin, te pozitivnog mišljenja br.02/1-11-296/25 od 28.01.2026.godine Službe za finansije, računovodstvo I trezor grada Cazin, Gradonačelnik donosi:

PRAVILNIK

O nužnom smještaju korisnika socijalne pomoći i ostalih socijalnih kategorija za 2026.godinu

Član 1.

Ovim Pravilnikom utvrđuju se uslovi za ostvarivanje prava na plaćanje nužnog smještaja korisnicima socijalne pomoći i ostalih kategorija koji se nađu u takvoj situaciji zbog određenih okolnosti, postupak utvrđivanja prava, nadležnosti organa koji odlučuje o pravu i izvoru sredstava potrebnih za taj vid usluge.

Član 2.

Pravo na plaćanje nužnog smještaja imaju korisnici stalne socijalne pomoći, žrtve nasilja koje se ne mogu smjestiti u sigurnu kuću, stara lica bez podrške porodice, bez primanja i smještaja te beskućnici. Pravo na isto imaju i drugi slučajevi po procjeni stručnih radnika u Centru a koji se nađu u takvoj situaciji a da su sa područja Grada Cazina. U iznimnim situacijama može biti i osoba sa drugog područja da se nužno smjesti do povratka u svoje mjesto boravka.

Član 3.

Novčana sredstva predviđena su u Budžetu Grada Cazina za 2026. Godinu u iznosu od 5.000,00 KM na poziciji „Nužni smještaj korisnika socijalne pomoći i ostalih socijalnih kategorija“ kao i sredstva iz drugih izvora koja u skladu sa zakonom i drugim propisima budu prenesena ili stavljenana raspolaganje Gradu Czinu za navedenu namjenu.

Sredstva za plaćanje nužnog smještaja socijalno ugroženom stanovništvu koje se nađe u takvom stanju s područja Grada Cazina će se vršiti maksimalno do iznosa sredstava navedenih u stavu 1.ovog člana, a može se privremeno ili trajno prekinuti ukoliko dođe do znatnog smanjenja prihoda objektivnih okolnosti na koje Ustanova i Grad ne mogu utjecati.

Član 4.

Naknada za nužni smještaj na mjesečnom nivou maksimalno može iznositi 300,00 KM. Dužina trajanja nužnog smještaja za istog korisnika može iznositi maksimalno 6 mjeseci sa mogućnošću produženja u zavisnosti od težine slučaja.

Član 5.

O pravu za ostvarivanje plaćanja nužnog smještaja korisniku odlučuje službenik JU Centar za socijalni rad Cazin nakon zaprimljenog zahtjeva sa potrebnim dokazima ili po službenoj dužnosti.

Član 6.

Zahtjev za ostvarivanje prava na nužni smještaj dostavlja se JU Centar za socijalni rad Cazin ili Centar pokreće po službenoj dužnosti ukoliko se radi o žrtvi nasilja ili beskućniku.

Nadležna ustanova JU „Centar za socijalni rad“ Cazin je dužna odlučiti o pravu na plaćanje nužnog smještaja korisniku u najkraćem vremenskom roku odnosno pri pronalasku nužnog smještaja (stanodavac).

Član 7.

O nužnom smještaju korisnika navedenih u članu 2. Ovog pravilnika, službeno lice donosi Rješenje o istom a mjesečna naknada za nužni smještaj uplaćuje se na tekući račun davaoca usluge smještaja (stanodavca). Službeno lice Centra u Rješenju navodi ko se smješta, kod koga se smješta i na koliki vremenski period te visinu mjesečne naknade za nužni smještaj.

Član 8.

Za provedbu ovog Rješenja iz člana 7. ovog Pravilnika zadužuje se JU Centar za socijalni rad Cazin i Služba za finansije JU Centra za socijalni rad .

Član 9.

Izmjene i dopune ovog Pravilnika vršit će se na način i po postupku kao i prilikom njegovog donošenja.

Član 10.

Ovaj Pravilnik stupa na snagu od 01.01.2026. godine te bit će na snazi do 31.12.2026.godine odnosno dok se ne utroše odobrena sredstva, a bit će objavljen u Službenim novinama Grada Cazina, Oglasnoj ploči i službenim stranicama JU Centar za socijalni rad Cazin.

Broj: 01/11-145 /26

Cazin, 22.01.2026.godine

GRADONAČELNIK

Mr. *Nermin Ogrišević*

DIREKTOR CENTRA :

mr.scr Amela Toromanović